



秋林琴雅卷

琴經堂陳

倦尋芳

揚州興注佩水別三年矣辛丑春日在都下重見于程蓉槎齋中話舊悽然因製此曲

水萍不定烟月無端人海逢又曲曲蕙灣空老那回  
楊柳十二街中燈過五十三樓上寒銷九數年華但  
簫沉夢遠鏡窺吟瘦共細乳分茶清晝門外塵緇  
儂定能否淺碧西山贏得此懷如舊相見猶憐雲聚  
散相思應在花前後似分明話秋池雨窗時候

花發沁園春

瓊花觀春宵小飲

柳裊新裁杏開初嫁竹西自古隋苑因風側帽借月

窺簾九里繡街行半青旗影轉攜酒訪深沉瑤殿正  
扇暈寒拂飛鸞釵光明動棲燕 可惜司花不見繞  
無雙亭前細訴清怨香燠玉悴雨絕星移十二畫闌  
天遠傷心未慣聊一醉問春深淺念草草約伴籠燈  
吳船江上歸晚

聒龍謠 虎丘

髻影春船鈴風午樹一徑松門苔繡北去南歸幾  
番歌酒聽歌侶畫壁無蹤覓酒伴卷波非舊祇年年  
小泊情懷渾相識半塘柳 吟邊石望中樓罨歷亂  
墜絮拋殘芳晝客心孤迥更闌干垂手過清明尙未

還家問燕子定巢能否者些時吳水吳山盡成迤逗

蝶戀花

題杭堇浦鵲紅集

一片東風吹艷雪錦瑟如人忍使華年歇夢去青溪  
溪畔月洛神休寫王家帖 非霧非花疑剗襪楚客  
多愁鳳紙新來絕落葉依枝飛又怯秋奩空羨泥金  
蝶

百字令

表忠觀懷古

雲旗風馬見蚪姿髯英雄徒步啼得羅平妖鳥盡  
自向錢塘開府玉冊樓高錦衣城壯百萬貔貅駐江  
神心折廻濤先避强弩 休說朱五經兒東南霸氣

三世偏能據天遣山河都姓趙拱手還歸真主麥飯  
空祠柳圈寒食緩緩歌遊女蘇碑仍在眼前龍鳳飛  
舞

霜天曉角

華秋岳松月圖

查牙老樹記得何年遇攢出翠鍼千百是妙手新栽  
處 過雨涼月吐紛紛清影舞孤鶴不成秋睡又翻  
下半空露

南樓令

醉仙圖

無夢到槐柯蓬山自踏歌酒逡巡頃刻花多有酒有  
花吾事辨呼冷月出滄波 落珮任顏酡壺中一太

和儘長年銷得婆娑便道老仙真箇醉人世醒待如  
何

沁園春

心

一寸通犀脉脉難窺含無限情記鍼纔棘刺捧時尤  
媚鎮餘銀液捫罷偏驚小恰容憐芳能颺恨莫近彈  
棊最不平羅襟掩歎幾曾灰盡半爲琴聲 覆蓮狀

未分明愛慧性玲瓏在目成乍懽娛著處怍如危柱  
別離催就亂若懸旌門裏輕挑秋來暗合閒悶閒愁

特地生花前見算除非換得方表深盟

棘鍼用顧長康事李賀詩

銀液鎮心忪子華子心狀如覆蓮黃庭堅詞爭知我  
門裏挑心吳文英詞何處合成愁離人心上秋願負

詞換我心爲你心始知相憶深

喜遷鶯 初夏

竹香新引漸綠到池東茶麝吹盡描繡心慵行棊聲  
歇長日瑣窗清潤閒臨小風揮扇涼思先歸鬆髻爲  
誰瘦驪單衫尙束春前閒恨 芳信緘密意蠅字玉  
釵待掐榴巾問鬪茗樓前澡蘭屏底猶記那回眉印  
幾絲麝煤飛度山枕天涯翻近夢催破聽迎梅雨點  
敲簷初緊

玲瓏四犯

南屏和徐紫山韻

九疊匡廬恰宛在湖南松雨新染畫出青紅斜照玉

檣展隨意捨却划船指竹尾數峰遊徧聽下方鼓  
笛聲穿堦冷雲遮斷 暮鐘初起僧歸遠碧玲瓏  
有人勾管重尋涑水崖碑在零落釵痕蒼蘚還問劍  
長埋一例魚燈吹散唱夜涼山鬼紛萬古騷情亂  
八寶妝 孔雀

影初成花屏未落只傍瘴烟腥雨萬里攜來闌檻  
不采愁他相誤金盆新水一泓地錦安排濃春時  
妻妾女舞誰惜明妝圓翠矜誇兒女 暗憶篔竹叢  
外鷓鴣啼殺舊樓知在何處怎肯供榕陰耳戶且聊  
以藤整閒任待升却聯拳左距莫迷秦客蹇芳路正

貝葉香清佛鋪有日歸依否  
鹽鐵論南方以孔雀珥門戶鄧椿畫繼宣和殿荔枝結實孔雀在其下召衆史圖之各極其思華采然但孔雀欲升藤整先舉右脚上日未也孔雀升必先舉左

掃花遊 白石蓮花燈

西寮夜迥正裊髣茶烟一枝斜颭玉餅數燄勝驪山  
琢就暖泉平汎水月分清葉葉釵頭乍斂最淒黯是  
霜苦校書虹冷談劍 升降吹素艷恍照破秋心滿  
懷蕭澹六時漏點更東林夢去岫深苔掩絳蠟啼香  
幾許風情自感小凭檻捧重臺妙明無染

金浮圖 元中峰禪師遺履在雲居寺

松門碧千秋講席不借猶存素約如昔想高僧定後  
工詩筆養就新篁自具參天標格踏破山青雲白雙  
趺解處遊戲何人識 蛛網積堂空磬寂未墜真風  
笑他留隻浩浩大塊同爲客回首連昌蘚暗文綦跡  
幾緗軟紅可惜攜看過午葉響烟林側 高峰謂師是竿上林新篁

三部樂 流求紙

瀛海荒唐訝未識蔡侯素濤懸影一簾花雪輕揭煩  
他文頸早傳徧山北山南坐鬪鏤樹底石几鋪淨碧  
環島女可有譯書題贈 坑灰昔時乍冷說先秦采  
藥襞牋誰證鬣帆又移近浦星槎風定展松紋乍磨

翠餅須分寫歡斯異境身世似粟蓮鬢外天水遙永  
歡斯流求族姓也

水調歌頭

訪吳丈志上寄老菴

撫景不自得奈此綠陰何試尋北郭隱處亭角掛烟  
蘿門裏簾櫳如鏡門外帆檣如薺靜躁隔無多夫子  
一丘壑舉世盡風波 枕琴眠看雲坐采芝歌老來  
苒苒奚事圖史日摩挲與我周旋作我不恨古人不  
見鶴髻任教蟠蟬亦愛清境流響出庭柯

澡蘭香

五月一日臯亭山下競渡

霞翻浦樹雪濺汀蓮疊鼓彩虬欲起梭船貴買鏡檻

先開盡逐鬧竿游戲定何年鳧羽凌波風光留人似  
此打扮杭州十里銷魂烟水 棹轉盤渦更險爲憶

山前受降遺事花釵剪艾麝粉吹菰越女但知沉醉  
瞥回眸衆裏盈盈行雨防霑羅袂念散後夢繞湘雲

涼懨新睡

宋黃公紹競渡權歌朝了霍山朝岳帝十  
分打扮是杭州

邁陂塘

題洞庭龍女圖櫟括湘夫人辭

白雲來洞庭渚北雙眸眇眇愁予秋風乍嫋層波遠  
木葉翮飛如雨期又阻獨騁望蘋中不見巢青羽相  
思欲訴悵澧有紅蘭沅生碧芷公子杳何處 朝馳  
馬忽向江臯羈旅佳人邂逅低語未能騰駕借烟逝

築室水心如許，蛟瘦舞算只在椒堂。荷屋香蘅宇，襟  
遺南浦看霓帶，續紛九疑迎得，聊以共容與。

金縷曲

白燕和紫山韻

掠影分池面，訝今年社前初到，練拋雙剪。珠館何時  
歸去後，不定翩翩風顫。還細認謝家深院，却怕芹泥  
輕浣得舞爭高。月底依稀見，銜墜絮舊巢伴。倚紅  
杏處，花微歎。恁休誇烏衣輕俊，羣遊非慣。飛上銀旛  
相比竝已別，春溫爐炭簾下。誤玉人低喚，莫是灞橋  
寒尚在。阻鈿車寂寞音塵斷。看弱羽帶流霞。

雪獅兒

咏貓效竹垞翁體第二句與原作小異  
依書舟律呂也

雪獅兒徐孫新此詞詠獅竹垞前屬  
和得三韻微事也一問者予與吳補各  
約戲如其本凡三家改字四重引予皆徐孫與弟猶共策緇事徐得二十事徐得七十事作此校稿皆允翁家清室既  
散此章世以雪獅兒為詞也

雪姑迎後房，櫳護得黃睛。明潤撲罷蟬，蛾更弄飛花。  
成陣穿籬遠，近未肯傍茸。瓊安穩，念寒夜，偎衾煖處。  
夢尋燈暈，繞膝聲聲低問，似無魚分訴。憐伊嬌困，  
展膊屏前，髣髴三生猶認。懷春堪恨，漸取次歸來難。  
準瓊籤盡上案，晴蟾鋪粉。白雪姑貓名見清異錄宋  
葉紹翁貓詩醉薄荷撲蟬  
蛾見隨隱漫錄宋張良臣山房惠貓詩從來憐汝丈  
人烏端正銜蟬雪不如江海歸來聲繞膝定知分訴  
食無魚又祝貓詩江上孤篷雪壓時每懷寒夜煖相  
依從今休慣穿籬落取次懷春屢不歸宋吳仲孚貓  
詩弄花撲蝶悔當年喫到殘糜味却鮮不肯春風留  
業種破種粵夢佛燈前名畫評何尊師貓有展膊者  
金玉良臣貓詩三生白老與烏圓宋徐集孫詩亂葉  
打窗貓上案

又前題



花毛褐染炎天尚記荷塘爭浴鼠卜閒時畫損砌苔  
幽綠闌干幾曲任側輓橫眠初熟恰又歛脩脩金尾  
蝶衣偷蹴忽起驚跳風竹聽蠅鳴茶鼎何曾輕觸  
暮眼纔圓香綺叢邊看足雨簷聲續休喫盡草芽盈  
掬娛幽獨勝了後猊鏤玉西陽雜俎楚州謝陽出貓  
有褐花者埋雅貓亦如虎  
畫地卜食俗謂之鼠卜元好問貓詩側輓橫眠却自  
如錢惟善貓詩秋花石上玉後猊金尾脩脩歛四蹄  
唐盧延遜詩貓跳觸鼎翻卑雅貓早暮則眼圓宋張  
至龍詩貓卧香綺叢田家雜占猫喫青草主雨

又前題

妝樓鎮卧底須詰取於菟癡小解事吳娃戲學鳳仙  
親搗紅絲繚繞便萬貫呼來還少防失却裏蹄重鑄

閒坊尋到 蟋蟀吟中醒悄正無聲四壁立殘斜照

不捕依然堦藥紛披藏好乳兒初飽坐榻畔微溫相

惱春回早八九墻陰新掃詰猫詩劉後村作柳貫猫  
詩花陰閒卧小於菟癡辛

雜識回回國婦女以鳳仙花染猫為戲秦氏女孫失

猫下臨安府訪之不得賂以金猫乃已袁桷醉猫詩

醒來獨立闌干畔四壁無聲蟋蟀吟李靄之畫猫在  
藥苗間程鉅夫猫詩金絲色軟坐常溫飽食深宮錦  
作墩古諺云八九七十二猫犬尊陰地張搏家猫名  
萬貫見記事珠

湘春夜月 當歌有感

剪春燈越羅無奈寒侵裊裊乍囀鶯吭清絕月穿林  
丁字竿垂簾下恐落梅風起吹散難尋算世間只有  
酸甜幾拍堪訴情深 朱顏暗換錦屏迢遞千萬沉

又前題

細伊虎鬚斑璫瑤月遙頻觀  
食有溪鮮又上小庭高樹如印扣  
思想喚汁多返回願何事費成  
眉畫手六中宜飾 延頸盤旋  
手赴笑綠紗幃底心憐羣翠  
銷得瘦封已笑北門長護青  
城百數買雙耳微痕添錫鏡  
如武月香花前亭午

吟搵透啼衫知那裏弄絲烟柳猶繫人心鱗乖雁阻  
寫翠牋誰是知音恁怨咽縱當時聽得愁眉早聚何  
况而今

憶少年

朝雲湖上春風門外非烟墻畔行來似無力好花枝  
微顫 評泊圓姿應未見憶長蛾碧山俱遠清宵夢  
難到恨雙雙銀蒜

戀繡衾

羅屏低隔塵繞街冷香茸初卸小釵見說道分攜近  
悄無言愁黛費猜 雁燈花共珠啼墜寫烏絲剛捲

又開始信有銷魂賦最銷魂蘭漿未催

玉樓春

銀塘冰泮晴波溜照影獨來凝立久一痕風帶不須  
寬兩剪山螺依舊秀 釵梁蜂蝶勞纖手底事暗驚  
朱粉瘦欲絲未絮恰纔芽漸逗新愁渾似柳

感皇恩

已是殺釭花月籠深閣何處行雲到巫峽一灣流水  
只有浮萍開闔依稀親記鬪池邊鴨 明日暖風蘭  
紗裁夾玉剪多情度簾押蜜犀蠲忿定帶露痕偷搯  
幾時頻見也纖紅甲

清平樂

香塵不起鏡屨清於水親試盤鴉簾影底細雨蘭膏  
微膩 徘徊欲就雲縞些些轉側橫波聽得花冠唱  
也料應堦日斜趁 庾信賦還抽鏡屨

賣花聲

艷韻徧芳蹊幾字高低宋墻東畔謝橋西喚到將離  
春事減腸斷紅閨 解語定淒迷留綴鸞篋香隨口  
角賤如泥猶勝風欺并雨妒分付鶯啼

又 壬寅三春日作

春信一番新春水生鱗春花春鳥向逡巡剪就釵頭

春勝也添箇春人 準擬踏春塵春色初勻春風困  
著小腰身製就春詞知幾首帖寫宜春

西湖月

明李太后寫九蓮觀音在借秋閣  
寫畫

匆匆夢了華胥早鷺嶺窗前現將圖畫翠瓔長帶穠  
纖筆勢冷綃光研岩居瞻瑞相傍一榻松風塵外掛  
任世上苦入秋心依舊九蓮開也 署年髣髴神宗

說侍養深宮白頭閒話月輪圓裏山河小影似驚飄  
瓦興亡多少事便指與枯禪應淚灑已零落阿監當  
時奉香黃帕

鳳凰臺上憶吹簫

瓷簫

紫竹猶多白牙翻賤別有哀玉清圓盡奪得千峰翠  
色寄與秦仙一夜秋生指下通宛轉星孔勻鑄瓊枝  
瘦脆管似鵝輕翳如蟬 誰知越窰古製好吹出氤  
氲五色飛烟莫負却青鸞素約冷倚襟前風外花甌  
共憂修新譜悠咽逾妍空明境依約赤壁回船

皂羅特髻

張包頭

膠鬟攏罷稱滑笏吳綃摺成如水淺縷素額更斜遮  
蟬翅重窺鏡非關怕冷上頭初愛道隨時世最宜淡  
汙恁畧施珠翠 還把一痕縣擘襯微微紅起春愁  
困莫教半卸到殘妝端正分明是碧烟抹斷看兩蛾

尤細

水龍吟

題董羽出水戲珠龍圖上有御前之印  
并宣和御押

千年紙上風雲弄珠飛出宣和殿滄波涌雪銀鱗墨  
爪騰空如練閒却綃宮橘花開盡有何人見只參龍  
舊姓毘陵啞子吹腥雨穿枯硯 回首天家頓遠尙  
塵中匆匆流轉神湫易改青燈素壁鏤痕休斷笛裏  
吟殘梭邊眠熟不勝清怨望冰簾影外香銷幾縷海  
山秋晚

賀新涼

秋日登八詠樓

衫袖秋情逼倚闌干一時收盡金華山色多謝連朝

西風緊吹我萍蹤江國又吹上層樓孤立欲洗胸懷  
忙呼酒但溪聲西去鴻來北雲渡水天爲黑 參差  
城郭今猶昔念休文一麾去後聲名輝赫宴罷樽前  
惟家令老妓依然相識惹滿座傷心皆泣大好東田  
歸應早便詩傳八詠真何益聊小住聽漁笛

玉漏遲

永康病中夜雨感懷

薄遊成小倦驚風夢雨意長牋短病與秋爭葉葉碧  
梧聲顫濕鼓山城暗數更穿入溪雲千片燈暈剪似  
曾認我茂陵心眼 少年不負吟邊幾慰帛光陰試  
香池館懽境消磨盡付砌蟲微歎客子關情藥裹覓  
何地烟林疎散懷正遠胥濤曉喧楓岸

秋林琴雅卷三

秋林琴雅卷四

壺中天

白雲冷月夜過七里灘光景奇絕歌此調幾令衆山皆響

秋光今夜向桐江爲寫當年高躅風露皆非人世有  
自坐船頭吹竹萬籟生山一星在水鶴夢疑重續挈  
音遙去西巖漁父初宿 心憶汐社沉埋清狂不見  
使我形容獨寂寂冷螢三兩點穿破前灣茅屋林淨  
藏烟峰危限月帆影搖空綠隨流飄蕩白雲還卧深  
谷

憶舊遊

河渚秋雪菴

溯溪流雲去樹約風來山剪秋眉一片尋秋意是涼

秋林琴雅卷四

辛丑九月既望風日清涼新喚艇自西堰  
橋沿秦亭法華灣迴棹于河渚時  
秋蘆作花遠近編目回望諸峯蒼

然出晴雪之上卷以秋雪名不虛也  
乃假借極極仲終日唯聞杵聲振波  
往來使人絕去世俗常競以杜向晚宿西  
後曰舍以長短句紀之

花載雪人在蘆漪楚天舊愁多少飄作鬢邊絲正浦  
淑蒼茫閒隨野色行到禪扉 忘機悄無語坐雁底  
焚香蛩外絃詩又送蕭蕭響盡平沙霜信吹上僧衣  
甍高一聲彈指天地入斜暉已隔斷塵喧門前弄月  
漁艇歸 菴有彈指樓

瑤臺聚八仙

題徐丈紫山黃雪山房在學士港  
口湖山幽勝處也

湖影拖藍門巷冷秋氣盡在茅檐掉頭歸興隨分繡  
了霜鐔一夜幽蛩聲乍咽小窗幾片葉聲添正吟酣  
瘦筇得意黃徧千巖 心空掃屏艷冶便後身似住  
雪北香南渭水西風塵土亦復何堪閒開琴趣自賞

祇相識孤鴻半捲簾籬花候愛有名濁酒無用閒談

水龍吟

雪中憶西溪

白天碎碎飛絲打窗又是年時雪火銷香鉅凍膠吟  
管傷懷念別前度衝風江南江北酒旗明滅似寒鴉  
身世驚棲不定歸來後欲華髮 心事無人能說憶  
西溪此中清絕壓蘆浦冷吹花橋斷玉山遙列三兩  
烟舫捕魚初罷柴門如月便長鑱荷了自尋黃獨也  
堪怡悅

點絳脣

燈夕同宋杏洲周少穆集吳尺鳧瓶花齋

柳院燈疎

史達祖

朦朧淡月雲來去

李冠

年華似羽

陳允

平無計相分付

毛滂

萍梗孤蹤

晁補之

往事隨風雨

黃公

君知否

晁冲之

煩君妙語

王沂孫

留我花間住

姜夔

渡江雲

題汪叔江紅藥橋邊吟客圖

蕪城當此際，峭風捲雨，黃柳尙蕭疎。玉勾亭畔，月底事飛來，澹彩照西湖。襟情雪鍊，儘乾坤清氣，偏孤同調。處花間，花外麗句，也堪圖。何如二分無賴，十里銷魂，記樊川前度。閒瘦損，燈邊繭栗，葉上盤盂。君歸爲問花安否，想艷紅依舊，紛敷春夢。潤江南，夜夜啼鳥。

綺羅香

春分約徐文暉山房賦

水榭收燈，虹梁待燕，判斷韶華如許。九十芳辰，一半自今堪數。嬌意緒欲暖，翻寒嬾心，性乍晴還雨。已飄殘梅雪，鱗鱗溪桃，花信未遲暮。簫樓應惜冶思，誰在生香徑裏，和鶯低語。約畧東風，好似破瓜眉嫵。剛宿露，蝶夢攪勻，更惹烟柳絲偷取。悵年時一掬春愁，試分知解否。

又

送紫山之秣陵和留別韻

象管題花，冰絃彈雪，難得詞場同氣。白髮相逢，眼底何論餘子。已闖破竹屋藩籬，更採取梅溪涯涘。喜從今軟繡湖山，青旗風外踏歌起。無端堪此小別，凝



佇浮雲墜絮離蹤應似舊院烟銷去問秦淮春水待  
肯寄研北香牋還勝寫江南眉史夢隨君片月斜明  
鵲聲帆影裏

六么令 春陰

雲留春在濃與恨重疊欲飛雨絲還嬾水際天低帖  
漠漠穿簾疑暝燕子愁時節誰家羅襪翩翩無影惟  
見沿堤草痕接 風姨空帶妒性未解輕吹裂閒壓  
幾曲疏闌盡上眉心結最不分明似夢欲說終難說  
樓東悽絕芳期仍誤錯認梨花是斜月

摸魚子 簡吳尺鳧

乍歸來參旗還轉清幽繡谷無恙蘿垣拂翠低桐塢  
時有鳴鳩相向蒐討廣愛似爾詞人心力拋非枉輕  
煤佛帳更換芋書多彈蕉文好點筆石闌上 當年  
事複壁應堪惆悵揚舩洗眼頻望披襟不比燕臺雪  
佳月新燈春釀難競爽寫雙調吳蠶食葉毫尖響澄  
湖熨浪約曬笠秋晴碧山如髻漁笛譜漁唱 尺鳧近  
和予臺  
城路咏蠶二首最工

八歸 夕陽  
隱几山房賦

初翻雁背旋催鴉翼高樹半掛微暈銷凝最是登樓  
意常對亂波紅蕪遠山青襯不管離亭歌欲斷漸照

去鞭痕將隱想故苑燕麥離離滿地弄金粉 何況  
春遊乍歇花愁多少只惱黃昏偏近冷和帆落慘連  
笳起更帶孤烟斜引誤雕闌倚徧霽色明朝也應準  
無言處望中容易下却西墻相思人老盡

大聖樂

東園餞春追和周草窗韻

空苑游絲舊池飛燕薄陰千樹正小闌人意厭厭細  
數亂花埋怨錦鳩呼雨皺得綠波新如倦似無奈啼  
綃臨別浦春何在在南陌麴塵西窗烟縷 閒思古  
今事苦有紫曲青樓千萬語且寄愁彩筆橫塘重見  
楊枝應許尙戀淺寒羅衾曉記門掩紅香深院宇傷

飄泊是誰倚疎簾吹絮

臺城路

富景園宋史所云東園也舊在新門外  
今草橋門內近城卽其故址空池喬木  
閭巷蕭寂予每經行不知古情之頓深  
也

生年落托東城下溪雲素心都負跡似潛夫身如灌  
圃只記南朝衰柳墻根井口抱一片晴沙眼波微溜  
縱不關愁露桃愁到不言後 探春那回行徧冷餞  
猶未賣人尙中酒藏謎花樓戲嬰水館別有憑闌紅  
袖新烟信否過幾度酸風翠梢眉鬪竚立誰知暝鴉  
飛去久

又

南湖感舊和蘭峒韻

陰陰古木橫寒綠誰家繞門烟樹十載閒踪三生昨  
地銷得吹香詩句眉彎老去剩暈秀遙山半低晴渚  
盡日人稀碧蜻蜓胃蓼花住傷離還有舊伴周情  
兼柳思檀拍無誤岸缺連雲闌空進月絕憶單衾眠  
兩幽悰未苦更草暗王孫待歸遲暮欲覓風流問鷗  
鷗不語揚誠齋贊張功甫像云約齋子方內歟方外  
歟風流歟窮愁歟老夫不知君其問諸白鷗  
又五月十八日東城閒居風雨騷屑忽動吟秋  
之思書寄吳石倉先輩  
閒人不作閒居賦新涼遽侵槐夏徑暗雲生池鳴雨  
到誰共聯牀今夜平林急灑便招得秋風扇情疎謝  
十載江湖起看窗畔釣筒掛須聽田水漉漉插秧

殊未晚盈耳陶寫屋捲重茅籬觀朝槿此意從無知  
者殘書嬾把料城外荷聲小樓清野夢遠重尋白頭  
燈底話

又秋聲館賦秋聲

簾淒燭暗眠還起清商幾處催發碎竹虛廊枯蓮淺  
渚不辨聲來何葉桐颺又接盡吹入潘郎一簪愁髮  
已是難聽中宵無用怨離別陰蟲還更切切玉窗  
挑錦倦驚響簷鐵漏斷高城鐘疎野寺遙送涼潮鳴  
咽微吟漸怯訝籬豆花間雨篩時節獨自開門滿庭  
都是月

又用儲華谷韻

銷魂橋畔青青樹樹猶似此依戀却扇涼肌垂釵秀  
髮爭得微波心暖花遊易斷早吹散尊前艷歌珠貫  
說與鴛鴦晚汀自結綠陰伴重樓依舊十里小屏  
留倩影歸路猶短七孔鍼邊雙蓮節後知否移燈書  
怨行雲不管悄隔了盧家玳梁棲燕好比江臯弄珠  
帆漸遠

又懷大滌舊遊

白雲多處飛仙住相思與雲爭繞泥酒衣單修琴歲  
換零落來時瑤草塵緣未了見舞罷山香墜花侵帽

瘦却詩肩翠奩看影自成笑清遊無伴最好亂峰  
開九鑠曾許行到石脚跳泉松髯滴露千古長懷坡  
老何堪俗擾待寄語芝童洞天仍掃一覽篝燈浩歌  
星斗曉

月下笛

送周少穆北遊兼懷是諫在上虞

草長鶯啼江南節物送君南浦無情弱櫓慣話聲聲  
離緒抱蘭絃空山共期滿衣雨雪生妙悟向游塵撲  
馬垂楊籠袂此懷誰訴杯行易盡挽碧水東流晚  
烟何許勞歌散處便是衰燈孤旅太飄零未垂髯絲  
壯心好在如意舞雁書來試問看碑有客先寄與

摸魚子

咏窩絲糖追和陳迦陵韻

剪瓊霜翠蓬深處葱纖費盡料理果奩已逐銅仙散  
異味何人能嗜切利市勝猜徧晶猊玉乳雕闌底春  
絲若此想掃雪三千揀花五百甘冷未沾齒 冬郎  
去塵滿金鑿密記多情樂府分製等閒粉繭消元夜  
偷裹銀泥衫子評泊似也不似君謨遠貢輕紅荔燕  
姬解事悄比並當時鏡鸞撲碎墮馬一窩細

瑣窗寒

爲吳畊民賦因樹亭

老綠迷空閒園已過百年風雨陰陰幾日得意鳥聲  
喧處儘無人欹牀勘書碧浮篆蚓簾波午話洗桐舊

事移橙佳境問梅清句 前度鷗朋聚笑對影忘言

覆棊非誤江湖散盡冷淡杯泉衣露料中宵桃根共

攜待將片月臨翠羽領秋光未要深山踏葉橋邊去

白苧

偶閱瑤華集載紫山此調愛其婉麗依韻和之

引愁來伴愁任眉長眼細愁無貯處染得桃花似醉  
倩雛鶯趁閒喧破翠衾睡應悔月沉鈎語未盡匆匆  
分袂離悰怕覺歸展柔羅補淚怪淚痕近時都化苔  
生砌 驚起社前等燕巧夕藏蛛小顰輕笑難道何  
曾省記便證絮拈萍與伊爲誓而今異昔漸檀霞褪  
靨玉香銷臂悄立閒庭劃損瑤簪春又相棄甚日逢

迎不枉丹青寄

南浦 玉几久客真州不得消息歌以懷之

分手隔年期問而今恐見清陰如幄搖曳箇蟬鳴懷  
人句還似淒然同作吞花卧酒兩湖烟月都蕭索應  
爲青山無計買只把薄遊銷却 長安飛雪深窗與  
梅花主客西溪曾約歸到定秋陰悲秋意仍在小園  
籬落今晨剝啄翠篁風動敲疎箔何事因循書不寄  
知倚那家江閣

百字令

六月望夜宗陽宮老君臺玩月括楊仲弘詩

老君臺迥夜涼多如水卧看分明穿出冰輪松桂外

二更將轉三更大地塵消山河影小風露上頭生寒  
侵環珮九天飛過無聲 誰喚絕唱楊郎龍蛇竝起  
金榜掃初成笞鳳鞭鸞遊賞極玉織雙載吹笙不信  
人間輸君才調猶阻弱流程醒心今夕此身真到蓬  
瀛

西子妝

同符幼魯趙谷林意田西池納涼

欹榭何峰穿簷那樹步過綠陰斜徑天然十畝瘦西  
湖恍相思采蓮人靜闌干更迥壓風鷺絲飄不定遠  
香生頓夢辭冰簟涼歸衫影 攜幽興隔竹山童小  
煮紅囊茗一篇秋水趣無多澹娟娟柳深沙淨疎蟻

曳暝看催展綃烟籠鏡任螢飛自照回塘夜永

露華

玉簪秋海棠同義小瓶詞以寫之

峽雲夢遠覓髻底瑤肪悄在秋苑露朵半欹遮住青

鸞輕扇絕憐淡雅風姿只隔幔紗遙見涼颺度嫣然

笑拈開掃初縮明河銜來貼地腰軟稱香浸銅瓶幽素

零亂脆萼猶函黃粉何事吹綻幾日靜抱花愁恩重

碧潯芳宴闌影外瑤瑤雨敲又晚

貂裘換酒

得子珍廬江書詞以代答并及繪友消息

世事今無味卧風前晚涼岸幘停雲思起驢背黃塵  
歸先後不道分攜似此似社燕秋鴻相避巢姥湖邊

安吟笈弔曹公寂寞英雄地歸不速負春水 草衣

我亦隨緣耳愛東園清蟬古木說羲皇意一卷傳來

天台句移得泉聲在紙定袪暑明朝都洗屋角斜陽

明沙外剩斯人近又遊燕市竹溪約幾時是

徵招

為蔣丈雪樵賦

忘機石上行歌去清寒自然堪耐萬玉綴疎林笑青

山顏改徑迷歸鳥外怕埋却幽人蘿帶白斷溝中溼

侵焦尾問誰能買 南北兩番風仙家事重看冷塵

飛灑酒熟倒葫蘆有山童相待梅花猶可戴指千古

烟梢春在會心處與伴披裘已洗空銀海

南鄉子 揮扇士女圖

風小暫回裙立盡桐陰晝欲徂扇影似人人似月圓  
初十六盈盈十五餘 驀地轉清臚為有關心好句  
書不用近前頻掩面生疎水院雲廊見也無

謁金門 七月既望湖上雨後作

憑畫檻雨洗秋濃人淡隔水殘霞明冉冉小山三四  
點 艇子幾時同泛待折荷花臨鑑日日綠盤疎粉  
豔西風無處減

浣溪紗

獨背低花一欠伸舊攜手處綠生塵怪他鸚鵡語如

人未肯無情拋好月長將多病伴濃春樓中凝望  
鏡中顰

又

數到湘琴未滿絃春殘過了摘櫻天芳時卯飲最思  
眠 八字眉痕剛半畫二分月影恰重圓第三橋外  
見飛仙

踏沙行 湖上有感

屐齒沙痕鬢絲烟影十年迷却探春徑憑誰重唱竹  
枝歌淒涼不是當時聽 敗舫紅凋危闌香凝湖風  
還我登臨興梨雲柳霧捲俱空而今纔放青山醒



摸魚兒 一多雨中集小山堂分得漸字

問天邊妒津何許今宵銀浦偏暗巧棚兒女關情事  
贏得英雄悽黯渾是感算雨雨風風盡把心期賺青  
樓夢澹任不嫁娉婷應須覓箇蘿屋竹香掩 開襟  
話洗出平池菡萏詩思多在涼簟秋光挽住憑杯酒  
莫放鬢霜來漸雲半斂傷幾葉高梧浙瀝聽殘點溼  
蟾未減恐靈鵲明朝訴伊辛苦花水羽衣染

阮郎歸

殘香漠漠雨垂垂寒輕猶戀衣無端箏柱似佳期參  
差常暗移 慵曉起怕春歸咒教花放遲桃花也有

念人時倚窗窺畫眉

長相思 綠萼梅

生九嶷住九嶷自小山光染玉姿碧羅天上飛 春  
到時雪到時獨向花中咏綠衣斷魂烟月知

洞仙歌 秋陰

癡雲何事做人間秋窄倦柳衰蘭更無色想登山臨  
水宋玉愁多風吹去遮盡湘天暮碧 孤村烟草外  
一片淒迷白鳥明邊倚樓立情味近 中年最怕傷心  
都付與數聲長笛問那處天涯有斜陽待鴈寄書來  
定知消息

高陽臺

房齋九十九子藥台同被江壽田作

秘翠分峰凝花出土依稀粉滴脂函鈿合前塵宮羅  
冷却萸尖浮梁猶有當時月向夜深孤照秋奩怨長  
門夢斷蒼龍字漬眠蠶 戲嬰圖子誰描得恰臨妝  
試仿黛筆重添數比螽斯未曾盈百休嫌從今舊價  
卑哥汝宛青娥紅淚偷淹莫銷魂漢苑瑤箱久落江  
南 明時麤器進御者皆出浮梁之景德鎮

秋波媚

一寸橫波惹春留何止最宜秋妝殘粉薄矜嚴消盡  
只有溫柔 當時底事匆匆去悔不載扁舟分明記

得吹花小徑聽雨高樓

西江月

擬豔同張東扶賦

春淺初勻細黛寒輕不上仙肌玉梅花下見來遲夜  
月淡屏無睡 心倚紅牋能說情除青鏡難知試香  
天氣惜香時人靜街痕如水

清平樂

宿符聖基秋聲館同幼魯作

酒香人定冷落黃花徑吟到江楓寒未勁雨入餅笮  
堪聽 自饒宋玉才情何妨榜以秋聲今夜秋聲重  
做斷雲新鴈程程

秋林琴雅卷四

樊榭先生幽居道古脩然清遠詩文之外銳意于詞  
嘗病倚聲家詭蕩者失之靡豪健者失之肆因約情  
斂體澁秀縣邈興至思集輒自比之孫氏一絃柳家  
雙鑣要以自寫胸抱非求悅衆耳也十年以來已有  
三數曲流傳朋游間賞音者以所見未多爲憾予因  
請于先生盡發篋衍之藏釐爲四卷鏡而行之夫昔  
賢論詞雅正爲宗故清真堂名顧曲草窗堂名志雅  
惟志雅而後可言顧曲也嗣是必有援琴受譜者予  
仍得而讀之快何如已壬寅十一月三日宛平龔燁  
履吉謹跋

秦郵夏秉謙校



